

Morning Dogri (NSD) National News Bulletin 24-03-2025

आकाशवाणी

1. राष्ट्रपति द्रौपदी मुर्मू होर छत्तीसगढ़ विधानसभा दे रजत जयंति समारोह च हिस्सा लेंगन।
2. सरकार नै भलेया लौहके, लौहके ते दरमयानी उद्यमें दे वर्गीकरण आस्तै सलाना कारोबार ते निवेश च महत्वपूर्ण संशोधन अधिसूचित कीते, पैहली अप्रैल थमां होंगन लागू।
3. दिल्ली विधानसभा दा बजट सत्र अज्जै थमां शुरू होआरदा ऐ।
4. कनाडा दे नमें प्रधानमंत्री मार्क कार्नी होरें अमरीका कन्नै बघदे तनाह दे चलदे 28 अप्रैल थमां मुख्य च चानचक्क चुनां करोआने दी घोषणा कीतीं।
5. भारत नै कौड्डी विश्व कप 2025 च मर्दे ते महिला दौनें दा खताब अपने नां कीता।
6. खेलो इंडिया पैरा गेम्स च जसप्रीत कौर नै भार तुलकने च नमां राष्ट्रीय रिकार्ड कायम कीता।

<><><><><><>

President Visit

राष्ट्रपति द्रौपदी मुर्मू होर अज्ज छत्तीसगढ़ ते ओडिशा दा दौरा करगंन। राष्ट्रपति होर रायपुर च छत्तीसगढ़ विधानसभा दे रजत जयंति समारोह च हिस्सा लेंगन। राष्ट्रपति मुर्मू समारोह गी संबोधत बी करगंन। कार्यक्रम च छत्तीसगढ़ दे राज्यपाल रामन डेका, विधानसभा अध्यक्ष डॉ रमण सिंह, मुख्यमंत्री विष्णु देव साई ते विपक्ष दे नेता डॉ. चरणदास महत होर बी संबोधन करगंन। कार्यक्रम दरान "सदस्य संदर्भ" नां दी इक किताब दा बी विमोचन कीता जाग। ओडिशा च राष्ट्रपति होर नयागढ़ च भारतीय विश्वबासु शनर समाज दे स्थापना दिवस समारोह च शामिल होंगन।

<><><><><><>

MSME

सरकार नै भलेया लौहके, लौहके ते दरमयाने उद्यमें दे वर्गीकरण आस्तै सलाना कारोबार ते निवेश कसौटी च महत्वपूर्ण संशोधन अधिसूचित कीते न। एह संशोधन पैहली अप्रैल थमां प्रभावी होंगन। हुन ढाई करोड़ रपे तगर दे निवेश आले भलेया लौहके, लौहके ते दरमयाने उद्यमें गी लौहके उद्यमें दे रूपै च वर्गीकृत कीता जाग। पैहले इंदे लेई निवेश दी सीमा इक करोड़ रपे ही। इससै चाल्ली सलाना कारोबार दी सीमा बी 5 करोड़ रपे शा बधाइयै 10

करोड़ रपे करी दित्ती गई ऐ। 25 करोड़ रपे तगर दे निवेश आली इकाइयां लौहके वर्ग च रखियां गेइयां न। पैहले इंदे आस्तै निवेश सीमा 10 करोड़ रपे ही। इनें उद्यमें आस्तै कारोबार दी सीमा 50 करोड़ रपे शा दुगणी करियै 100 करोड़ रपे करी दित्ती गई ऐ। 125 करोड़ रपे तगर दे निवेश आला भलेया लौहकी, लौहकी ते दरमयाना इकाइयें गी हुन दरमयाना उद्यम मन्नेआ जाग। पैहले इंदी निवेश सीमा 50 करोड़ रपे ही। दरमयाने एद्यमें आस्तै सलाना कारोबार सीमा दुगणी करियै 500 करोड़ करी दित्ती गई ऐ।

<><><><><><>

Delhi Session

दिल्ली विधानसभा दा बजट इजलास अज्जै थमां रम्म होआ करदा ऐ। एह इजलास 28 मार्च तगर चलोग जिसी अग्वै बी बदाया जाई सकदा ऐ। दिल्ली ट्रांसपोर्ट कार्पोरेशन दे कम्मकाज पर सी.ए.जी दी रिपोर्ट अज्ज संगारें सदन च पेश कीती जाग। बजट मंगलवार गी पेश कीता जाग ते 26 मार्च गी औदे पर चर्चा होग। इजलास दौरान मुख् माली ते नीतिगत मामलें पर चर्चा कीती जाग।

<><><><><><>

Canada Elections

कनाडा दे नमें प्रधानमंत्री मार्क कार्नी होरें चानचक्क मुख् च 28 अप्रैल थमां चुनां करोआने दी घोषणा कीती ऐ। उनें आखेआ जे लिबरल पार्टी दी मजूदा सरकार थमां मते मजबूत जनादेश आली सरकार जकीनी करने आस्तै समें थमां पैहले चुनां करोआने दी घोषणा कीती गई ऐ। गोआंढी मुख् अमरीका थमां बपार युद्ध ते राष्ट्रपति डोनाल्ड ट्रंप हुंदे कनाडा गी अमरीका च 51में राज्य दे तौर पर मलाने दे खतरे गी दिखदे होई एह महत्वपूर्ण फैसला लैता गेआ ऐ। कार्नी होरें आखेआ जे उनें गवर्नर जनरल हुंदे थमां संसद भंग करने ते 28 अप्रैल गी चुनां करोआने दा अनुरोध कीता ते एह अनुरोध स्वीकार करी लैता गेआ ऐ। लिबरल पार्टी इक दहाके थमां सत्ता च रेई ऐ पर जस्टिन ट्रूडो हुंदी अगुवाई च एहदी लोकप्रियता घट्ट होई ऐ।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम "मन की बात" च इस बारी 30 मार्च गी देश विदेश च रौहने आले श्रोताएं कन्नै बचार सांझे

करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किशत होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

Kabaddi World Cup

भारत नै इंग्लैंड च खेड्डे जा'रदे मर्दे ते महिला कौड्डी विश्व कप 2025 दा खिताब जित्ती लैता ऐ। खिताबी मकाबले च भारत दी टीम नै इंग्लैंड दी टीम गी 44-41 कन्नै हराया। एहदे थमां पैहले भारतीय महिला टीम नै बी फाइनल च 34 दे मकाबले 57 अंक कन्नै इंग्लैंड गी मात दित्ती। पैहली बारी एशिया थमां बाहर इंग्लैंड च आयोजित इस प्रतियोगिता च शीर्ष कौड्डी टीमें हिस्सा लैता। 2019 च मलेशिया दी मेजबानी च आयोजित प्रतियोगिता बी भारत ने मर्दे ते महिला कौड्डी विश्व कप दा खिताब जित्तेआ हा।

<><><><><><>

Para Games

17एं बरें दी बरेसू आहली पैरालंपियन शीतल देवी नै अज्ज नमीं दिल्ली दे ज्वाहर लाल नेहरू स्टेडियम च खेलो इंडिया पैरा गेम्स 2025 च महिला कंपाउंड मकाबले च सुन्ने दा तगमा जित्तेआ हा। 2024 पैरिस पैरालंपिक च कैंS दा तगमा ते पैहले खेलो इंडिया पैरा गेम्स च सुन्ने दा तगमा जित्तेने आहली शीतल नै फाइनल च 137 अंक हासल करियै पहली थाहर अपने नां कीती। पैरा तीरंदाज शीतल नै ओडिशा दे बोलनगीर दी पायल नाग गी हराइयै सुन्ने दा तगमा जित्तेआ। शीतल नै महिला कंपाउंड फाइनल च 129 अंक हासिल कीते। सेमीफाइनल च शीतल नै 140 अंक जिल्ले के पायल नै 139 अंक हासल कीते। भारत तुलकने च पंजाब दी जसप्रीत कौर नै राश्ट्री रिकार्ड त्रोड़ी दित्ता। उनें 45 किलोग्राम वर्ग च अपने गै राश्ट्री रिकार्ड च सुधार करदे होई सुन्ने दा तगमा जित्तेआ। मनीष नै बी 54

किलोग्राम वर्ग च 166 किलोग्राम भार चुक्कियै नमां राष्ट्री रिकार्ड बनांदे होई सुन्ने दा तगमा जिती लैता।

<><><><><><>

IPL

आईपीएल 2025 दे अज्ज त्रीए रोज विशा,पट्टनम दे डॉ. वाई.एस.राजशेखर रेड्डी स्टेडियम च दिल्ली कैपिटल्स दा मकाबला लखनऊ सुपर जायंट्स कन्नै होग। एह मैच संजा साढे 7 बजे शुरु होग। कल ऐतवारें दऊं मैच खेड्डे गेदे मैचें च चिन्नेई सुपर किंग्स नै मुंबई इंडियन्स गी 4 विकटें कन्नै हराई दित्ता। ओहदे शा पैहले हैदराबाद च खेड्डे गेदे इक मैच च राजरूथान रायल्स गी सनराईजर्स हैदराबाद दे हत्थ 44 रंज दी हार दा सामना करना पेआ।

<><><><><><>

Israel

इजराइल दी सेना नै कल दक्खनी गाजा पट्टी दे खान यूनुस च नासर मैडिकल कॉम्प्लैक्स पर हवाई हमला कीता ते हमास दे पोलित ब्यूरो सदस्य इस्माइल बरहम ते 4 होर फिलीस्तीनीएं गी मारी मकाया। मकामी सूत्रें दस्सेआ जे इजराइली ड्रोन नै परिसर दी आपातकालीन इमारत दी दूई मंजल गी नशाना बनाया। इजराइल नै हमास पर युद्ध विराम दी संशोधित शर्तें पर सैहमत होने थमां इंकार करने दा आरोप लांदे होइ पिछले हफते गाजा च हवाई ते जमीनी अभियान फही शुरु करी दित्ता ऐ।

<><><><><><>

TB

अज्ज विश्व तपेदिक दिवस ऐ। टी.बी बारे नागरुकता पैदा करने लेई एह ध्याड़ा हर बरे 24 मार्च गी मनाया जंदा ऐ। 1882 च डॉ. रॉबर्ट कोच होरें टी.बी दे वैक्टीरिया दी खोज कीती ही। चंदी जयंति दे सरबंधे च एह दिन मनाया जंदा ऐ। इस बरे दा विषय सार ऐ "आं, अस टी.बी दी बमारी दा खात्मा करी सकने आं", प्रतिबद्धता, निवेश ते नतीजे आले जतन। एह विषय सार टी.बी दे उन्मूलन आस्तै जारी जतनें दी समीखा करने, मकामी राष्ट्रीय ते

अंतराष्ट्रीय सतह पर टी.बी दे बधदे खतरे कन्ने निबड़ने आस्तै मजबूती कन्ने कम्म करने दा मौका दिंदा ऐ ।

<><><><><><>

